

Provedba imovinskih zakona u septembru 2002

Organizacije koje su uključene u Plan za provedbu imovinskih zakona (*Property Law Implementation Programme – PLIP*), OHR, UNHCR, OSCE, CRPC i UNMIBH, objavile su statističke podatke o provedbi imovinskih zakona koji se odnose na septembar 2002., iz kojih se vidi da je ukupna stopa provedbe u septembru dostigla 62 posto, što u odnosu na prethodni mjesec predstavlja prosječni porast od 3 posto u cijeloj zemlji, kao i porast od 21 posto u odnosu na kraj prošle godine.

U Federaciji je riješeno 66 posto slučajeva, što predstavlja porast od 4 posto u periodu od avgusta. U Republici Srpskoj povrat je ostvaren u 56 posto slučajeva, što predstavlja porast od 2 posto. U istom periodu u Brčkom je došlo do porasta od 2 posto, pri čemu ukupna stopa provdbe iznosi 66 posto, dakle isto kao i stopa provedbe u Federaciji.

Uprkos ovom porastu, veliki broj stambenih jedinica još uvijek nije ispražnjen. Od ukupnog broja koji iznosi više od 250.000 zahtjeva za povrat podnijetih u cijeloj BiH, gotovo 100.000 još uvijek nije riješeno.

U nekim slučajevima u određenim opštinama dolazi do naglog porasta ili pada mjesečne stope provedbe imovinskih zakona. Razlog za to leži u činjenici da je proces u kome se iz statističkih podataka isključuje uništena imovina a evidencija u stambenim organima revidira još uvijek u toku.